



“....chun an Ghaelscolaíocht a chur chun cinn, a éascú agus a spreagadh ag an mbunleibhéal agus ag an iarbhunleibhéal ar fud fad na hÉireann.”

## Nuachtlitir an Fhómhair 2012

### Nuacht na hEarnála

#### Rogha na Gaelscolaíochta ar Suirbhé ón Roinn Oideachais



Tabharfar suntas ar leith do mhianta daoine a léiríonn go mbeidh na seirbhísí in úsáid acu (sé sin, tuismitheoirí le páistí faoi aois scoile) ach beidh fáilte roimh ionchur ó éinne gur spéis leo suirbhé a chomhlánadh. Coinneofar sonraí pearsanta freagróirí na suirbhéanna faoi rún. Tabharfar coicís nó 3 sheachtain do dhaoine na suirbhéanna a chomhlánú.

Cuirfear ceisteanna iontu maidir le (a) rogha teanga (Béarla nó Gaeilge) (b) rogha sainmheoin creidimh agus (c) rogha pátrúin as na pátrúin a léirigh suim sa cheantar. Beidh míniú soiléir iontu maidir leis na múnlaí pátrúnachta éagsúla. Bunaithe ar an aiseolas ó na suirbhéanna seo, rachfar i mbun comhairle leis na pátrúin ionchasacha agus reatha i ngach ceantar le féidearthachtaí maidir le difheistiú agus/nó athrú sainmheoin a chforadh.

Tá sé fógartha ag an Roinn Oideachais agus Scileanna go gcuirfear tús le próiseas comhairliúcháin poiblí maidir le difheistiú pátrúnacht scoileanna an Fómhair seo, mar thoradh ar thuarascáil an Ghrúpa Comhairligh ar Phátrúnacht agus Iolrachas sna Bunscoileanna.

Déanfar suirbhé ar 5 cheantar píolótacha i mí Dheireadh Fómhair agus ar 39 ceantar eile atá aitheanta ag an Roinn don chéad chéim sa phróiseas i mí na Samhna. Níl na ceantair phíolótacha fógartha go hoifigiúil ag an Roinn, ach cuirfear gach eolas agus naisc chuig na suirbhéanna ar [www.gaelscoileanna.ie](http://www.gaelscoileanna.ie) a luaite is a mbeidh siad ar fáil.

Beidh na suirbhéanna ar fáil ar líne i nGaeilge agus i mBéarla, beidh siad sonrach do cheantair ar leith agus oscailte do chách.

Is fiú go mór do phobail a bheith lárnach sa phróiseas seo má tá rogha na gaelscolaíochta á éileamh acu dá bpáistí. Leanfaidh GAELSCOILEANNA TEO. ar aghaidh ag plé leis an Roinn maidir leis an éileamh ar oideachais trí mheán na Gaeilge timpeall na tíre agus cinnteoidimid go bhfuil eolas cuimsitheach, cruinn ar fáil do thuismitheoirí agus feasacht láidir ann faoi rogha na gaelscolaíochta agus na buntáistí lena mbaineann.

Tá tuilleadh eolais maidir le plan na Roinne agus liosta de na 44 ceantair le léamh ar [www.gaelscoileanna.ie](http://www.gaelscoileanna.ie).



Foras na Gaeilge

# Scéalta na mBunscoileanna

## Oscailt Oifigiúil Cliathán na Life i nGaelscoil Inse Chór

Ar an 22ú Meitheamh 2012 nuair a bhí scoileanna timpeall na tíre ag ullmhú chun dúnadh, bhí muintir Ghaelscoil Inse Chór ag ullmhú chun oscailt- sin Oscailt Oifigiúil ar Chliathán na Life. Lá bródúil a bhí ann nuair a thug Uachtarán na hÉireann, Mícheál D. Ó hUiginn cuairt orainn chun ceithre sheomra ranga nua a nochtadh.

daoine fásta ag éisteacht le hóráid an Uachtaráin. Bronnadh leabhair “An Pota Filíochta” air ag an deireadh, leabhar lán d’fhilíocht na ndaltaí. Thug sé cuairt leis ar ghairdín nua na scoile- Gairdín na n-Óg- tógtha mar ghairdín chuimhneacháin orthu siúd a bhfuil imithe uainn agus a bhí mar chroílár na scoile, idir pháistí agus tuismitheoirí ag am éigin.

Le tionscnamh déanta ag na ranganna ar fad, bhí halla na scoile pacáilte idir dhaltaí agus

Sár-ócáid a bhí ann a bhfanfaidh linn go deo.



## Rith 2012 Gaelscoil Chaladh an Treoigh



I Mí na Bealtaine seo caite ghlac daltaí agus foireann Ghaelscoil Chaladh an Treoigh páirt i Rith urraithe scoile. Chaith na daltaí sa scoil ar fad na míonna roimh ré ag traenáil

deich gcileaméadar. Lá breá gréine a bhí ann. Bhí boird leagtha amach ag Coiste na dTuismitheoirí agus sóláiste ar fáil do na reathaithe. Cuireadh ceol ar siúl chun na daltaí a spreagadh don Rith. Tháinig na tuismitheoirí chuig an Rith chun tacaíocht a thabhairt do na daltaí agus ghlac cuid acu páirt ann.

Bhronn Séamús Ó hIcidhe, imreoir ar fhoireann iománaíochta Luimnigh agus Clár Ní Chonchúbhair, iar-mhúinteoir agus imreoir Camógaíochta ar fhoireann Loch Garman teastas ar 'chuide ghasúr a ghlac páirt. Bhí foireann na scoile ar fad an-bhródúil as an sár-iarracht a rinne na gasúir.

lena múinteoirí. Rith gach páiste sa scoil ós cionn cúig chileaméadar, cuid acu ós cionn

# Scéalta na nIar-bhunscoileanna & na nAonad

## 90% sna Torthaí GCSE do Dhaltaí Choláiste Feirste



Tá Coláiste Feirste, an t-aon iarbhunscoil lánGhaeilge sna sé chontae, i ndiaidh an treocht i dtreo íslíú grádanna scrúduithe i scoileanna an tuaiscirt a shárlú. Bhain 90% de na daltaí an tagarmharc de 5 nó níos mó GCSE amach i mbliana. Tá ardú suntasach fosta i líon na ndaltaí a ghnóthaigh grádanna A\* agus A i réimse leathan ábhar. Ní bhfuair dalta ar bith níos lú ná 4 GCSE agus fuair cuid acu na barrghráid i 10 n-ábhar GCSE. Beidh tromlach mór na ndaltaí seo ag pilleadh ar an scoil an tseachtain seo chugainn chun tabhairt faoin staidéar sa Séú Foirm.

Dúirt Pádraig Mac Cathail, Ceann Bliana ar an ghrúpa daltaí seo, “Thar cheann fhoireann Eocharchéim 4 ba mhaith liom comhghairdeas ó chroí a dhéanamh leis na daltaí agus a dtuismitheoirí ar na gráid iontacha atá bainte amach acu. Ba mhór an pleisiúr dúinn bheith ag obair leis na Gaeil óga seo le dhá bhliain anuas. Ní amháin gur daltaí den scoth iad ach is daoine óga den chéad scoth iad atá i ndiaidh forbairt agus fás mar dhaoine aibí agus mar Ghaeil. Is iontach an lá é seo don scoilphobal s’againne.”

Rinne Príomhoide na scoile Micheál Mac Giolla Ghunna comhghairdeas le daltaí, tuismitheoirí agus foireann na scoile. “Leanann na torthaí seo na gráid iontacha a fuair daltaí Ardleibhéil an tseachtain seo caite. Léiríonn siad díograis agus dícheall na múinteoirí agus na ndaltaí le 5 bliana anuas. Ba mhaith liom an deis seo a thapú fosta le haitheantas a thabhairt do mhúinteoirí na mbunscoileanna a thug dúshraith den scothoideachas do na daltaí seo gur féidir linne anseo i gColáiste Feirste cur leis chun barrfheabhas a bhaint amach. Chuir muid plean feabhsaithe i bhfeidhm tamall de bhlianta ó shin agus is é príomhaidhm s’againn go mbainfidh gach dalta lán a n-acmhainneachta féin amach. Tá foireann iontach againn ag Eocharchéim 4 atá ag cur an phlean sin i bhfeidhm, idir mhúinteoirí agus cheannairí, agus is léir go bhfuil rath as cuimse ar a gcuid díograis. Tá dream eile de Ghaeil óga éirimiúla sáraithe cothaithe againn do phobal na Gaeilge agus do phobal na cathrach seo.

“I ndiaidh scór bliain ar an tsaoil tá Coláiste Feirste faoi lánbhláth anois. Is léir go bhfuil ciall agus ceart le cinneadh Roinn an Oideachais le déanaí £11.9 milliún a infheistiú sa suíomh s’againne. Le foirgneamh agus áiseanna spóirt úrscothacha is cinnte go mbeimid ag tógáil ar rath na scoile ar na blianta atá le teacht.”

## Turas na Gaeltachta do Scoláirí Scoil Íosaef

Beidh scoláirí ó Bhliain 10 Scoil Íosaef, Domhnach Mór ag dul ar turas taitneamhach go Gaeltacht Ghaith Dobhair ón 21ú- 23ú Deireadh Fómhair chun snás a chur ar a gcuid Gaeilge agus chun blas a fháil ar shaol agus ar chultúr na Gaeltachta. Beidh na scoláirí ag stopadh i dTeach Campbell ar feadh an ama agus beidh muid ag dul chuig Áislann Rann na Feirste le hoíche airneáil a chaitheamh agus le bualadh le Gaeilgeoirí na háite.

Chomh maith leis seo uilig beidh seans ag na scoláirí bualadh isteach chuig Raidió na Gaeltachta chun agallamh a dhéanamh leis an laoch féin, Dónall Mac Ruairí agus a bheith ag

caint ar na rudaí uilig a dhéanann siad trí mheán na Gaeilge taobh amuigh den scoil. Tabharfaidh seo seans dóibh éisteacht leis an Ghaeilge is binne ar fud fad na tíre agus aithris a dhéanamh uirthi. Ina dhiaidh seo beidh muid ag dul ar cuairt chuig Pobalscoil Ghaith Dobhair leis an lá a chaitheamh le scoláirí na Gaeltachta. Go n-éirí linn!





# Nuacht na hEagraíochta

Comhdháil Bhliantúil 2012

Beidh Comhdháil Oideachais GAELSCOILEANNA TEO. agus Eagraíocht na Scoileanna Gaeltachta Teo. ar siúl in óstán an Ardilaun i nGaillimh ar an 23 Samhain 2012. Beidh an chomhdháil dírithe ar gach éinne bainteach leis an scolaíocht lán-Ghaeilge, múinteoirí agus príomhoidí na scoileanna ag an mbun- agus iar-bhunleibhéal ach go háirithe. Is deis í an chomhdháil le gréasánú a chothú agus fóram plé a chothú do chleachtóirí agus taighdeoirí, malartú saineolais a éascú agus fóram díospóireachta ar mhórchéisteanna na gaelscolaíochta a chur chun cinn.

Tá clár na comhdhála á dheimhniú faoi láthair, foilseofar ar [www.gaelscoileanna.ie](http://www.gaelscoileanna.ie) go luath é. Is cinnte go mbeidh sé suimiúil, fiúntach agus fairsing; le léacht na comhdhála áthabhairt ag Muiris Ó Laoire agus ceardianna ar ábhair éagsúla le saineolaithe dúchasacha.

Eagraítear cruinniú cinn bliana GAELSCOILEANNA TEO. le linn na comhdhála agus beidh deis ag baill rúin a phlé agus bord stiúrtha nua a thoghadh. Tá eolas maidir le ballraíocht agus foirmeacha ballraíochta ar fáil ach ríomhphost a chur chuig [oifig@gaelscoileanna.ie](mailto:oifig@gaelscoileanna.ie)

Is féidir le scoileanna agus eagraíochtaí a gcomhaltaí a chlárú le freastal ar an gcomhdháil tríd an fhoirm ar [www.gaelscoileanna.ie](http://www.gaelscoileanna.ie) a chomhlánú. Má tá níos mó ná ceathrar le freastal ón scoil/eagraíocht, iarrfar ort teagmháil a dhéanamh linn ar 01 8535195 nó [oifig@gaelscoileanna.ie](mailto:oifig@gaelscoileanna.ie) seachas clárú ar líne, le go dtabharfar lascaine duit. An dáta deiridh le clárú ná an 9 Samhain 2012.

Cláraigh don seirbhís nuachta le ríomhphost laethúil a fháil:  
[www.gaelscoileanna.ie](http://www.gaelscoileanna.ie)

Féinmheastóireacht, Forbairt, Feabhas



Comhdháil Oideachais

GAELSCOILEANNA TEO & Eagraíocht na Scoileanna Gaeltachta Teo

Fáilte Mór roimh Cáirthach!



Comhgháirdeas le Príomhfheidhmeannach GAELSCOILEANNA TEO., Bláthnaid ní Ghréacháin, a fear chéile Pádraig Mac Criostail agus a mac Lóchán ar bhreith Cáirthach Laochrí Mac Criostail i mí Iúil. Guímíd gach ráth orthu don toadhchái.

# Pleanáil Scoileanna

## Pátrúnacht na n-iarbhunscoileanna nua fógartha ag an Roinn

Ba mhór le GAELSCOILEANNA TEO. comhghairdeas a dhéanamh le pobail agus pátrúin na n-iarbhunscoileanna nua lán-Ghaeilge atá le bunú i 2014. Dheimhnigh an Roinn Oideachais gur scoileanna lán-Ghaeilge a bheidh sna h-iarbhuscoileanna i nDún Droma, Baile Brigín agus Carraig Uí Leighin agus go bhfuil Aonad lán-Ghaeilge le bunú san iarbhuscoil nua Maigh Nuad.

Is scoileanna ilsainchreidmheacha agus comhionannais faoi phátrúnacht AN FORAS PÁTRÚNACHTA a bheidh sa 2 iarbhuscoil lán-Ghaeilge nua atá beartaithe do Bhaile Átha Cliath, i mBaile Brigín agus i nDún Droma. Tá 3 iarbhuscoil lán-Ghaeilge timpeall na tíre faoina bpátrúnacht cheana féin ag an bhForas agus is cinnte go mbeidh rath ar na scoileanna nua seo faoina gceannaireacht.

Is faoi Coiste Gairmoideachas Co. Chorcaí a bheidh an iarbhuscoil nua i gCarraig Uí Leighin. Tá ríméad ar choiste bunaithe Gaelcholáiste Charraig Uí Leighin, a bhí ag obair i gcomhar leis an gCoiste Gairmoideachais ó 2008 i leith leis an sprioc seo a bhaint amach.

Is é Coiste Gairmoideachais Co. Chill Dara a aithníodh mar phátrún ar an scoil nua atá le bunú i Maigh Nuad, agus tá Aonad lán-



Ghaeilge le bunú sa scoil i gcomhairle le AN FORAS PÁTRÚNACHTA mar aitheantas ar an éileamh fíor-láidir atá ar an ngaelscolaíocht sa cheantar. Tá breis agus 1,550 páistí ag freastal ar bhunscoileanna lán-Ghaeilge i Maigh Nuad, Cill Choca, Léim an Bhradáin agus Dún Bóinne agus tabharfaidh an t-Aonad seo deis dóibh leanúint lena gcuid oideachais trí mheán na Gaeilge. Tá sé luaite ag an Aire Oideachais go mbeidh deis aige amach anseo fás ina scoil neamhspleách. Cuireann GAELSCOILEANNA TEO. fáilte ar leith roimh an deimhniú seo agus beimid ag súil go mór le comhoibriú leis na pátrúin agus an Roinn Oideachais ar fhorbairt an mhúnla nua seo.

### Ábhar Saor in Aisce ón Oifig

- Bileoga tumoideachais Gaeilge le Rómáinis / Francis / Portaingéilis / Polainnis / Rúisis.
- Bileoga iar-bhunscoile Gaeilge / Béarla
- Pacáistí colais Gaeilge / Béarla
- 'Ár bPolasaí Gaeilge'


Glaoigh ar oifig GAELSCOILEANNA TEO. ar 01-8535195 nó cur ríomhphost chuig [oifig@gaelscoileanna.ie](mailto:oifig@gaelscoileanna.ie) chun iad a ordú

An bhfuil acmhainní ranga le roinnt agat le múinteoirí eile?

Tá rannóg nua á fhorbairt againn do mhúinteoirí ar an suíomh gréasáin agus ba mhór againn cloisteáil uait.

Seol ríomhphost chuig [oifig@gaelscoileanna.ie](mailto:oifig@gaelscoileanna.ie)

# Comórtas Tallainne Scléip 2013



Cuireann an comórtas an-bhéim ar chruthaitheacht, cumadóireacht agus ar na healaíon nua-aimseartha. Tá rialacha an chomórtais agus an fhoirm iontrála ar fáil ar [www.gael scoileanna.ie](http://www.gael scoileanna.ie). Beidh deis ag ionadaithe ó gach scoil dul san iomaíocht sna babhtáí réigiúnacha, agus gheobhaidh buaiteoirí na mbabhtáí sin cuireadh chun na craobhe.

Bhí an-rath ar an sraith clár bunaithe ar *Scléip* a rinneadh do Raidió na Gaeltachta anuraidh agus tá súil againn go mbeidh Fiachna Ó Braonáin linn arís i mbliana le taifead a dhéanamh ar an gcrac, ceol agus tallainne. Tá súil againn go mbeidh oiread de na scoileanna linn agus gur féidir i mbliana, agus go dtabharfaidh an comórtas spreagadh agus dúshlán do na daltaí, agus dá múinteoirí leis. Tá cúpla mí ann go fóill roimh an spriocdháta d'iontrálacha ach is fiú na daltaí a chur ag smaoineamh air a luaithé agus is féidir le go mbeidh tréan ama acu le bheith ag cleachtadh agus ag ullmhú chuige.

Tá áthas orainn comórtas *Scléip 2013* a fhógairt; comórtas tallainne náisiúnta atá dírithe go sonrach ar na hiar-bhunscoileanna lán-Ghaeilge agus Gaeltachta. Bíonn sé spreagúil, spráilúil agus sultmhar, do na daltaí agus dá múinteoirí!

Anuas ar an raon leathan áiseanna atá ar fáil ó FNT faoi láthair, tá dhá fhoilseachán nua ar fáil anois:



Forbairt Naíonraí Teoranta  
Halla Naomh Pádraig  
Institiúid Oideachais Marino  
Ascaill Uí Ghriofa  
Baile Átha Cliath 9  
Guthán: 01 853 5101  
Ríomhphost: [eolas@naionrai.ie](mailto:eolas@naionrai.ie)  
[www.naionrai.ie](http://www.naionrai.ie)


## Forbairt Naíonraí Teoranta

### BRÓGA NUA

ENJOYING IRISH WITH YOUNG CHILDREN

Cnuasach rannta agus amhráin Ghaeilge atá i *mBróga Nua*, agus é bunaithe ar an bhfoilseachán *How to Enjoy Irish in your Playgroup*. Tá *Bróga Nua* dírithe ar dhaoine a oibríonn le páistí trí mheán an Bhéarla agus do pháistí atá ag tosú sa chóras tuisceachais. Leabhar agus dhá CD atá ann.

Praghas: €15.00



### BIONGÓ NA SÉASÚR

Tá an cluiche biongó seo bunaithe ar na séasúir agus baintear úsáid as na hiomhánna atá le feiceáil cheana sa tsraith póstaer *Na Séasúir* atá ar fáil ó FNT. Beidh an tsraith póstaer ar fáil mar chuid den cluiche as seo amach.

Praghas: €7.50





# Forbairt Ghairmiúil Scoileanna

Beidh tuilleadh eolais maidir leis na modúil a bheidh á gcur i láthair ag na seisiúin thíos á sheoladh amach chuig na scoileanna sna ceantair lena mbaineann agus ar fáil ar [www.gaelSCOILEANNA.ie](http://www.gaelSCOILEANNA.ie) go luath. Is féidir teagmháil a dhéanamh leis an oifig ar 01 8535193 nó [oifig@gaelSCOILEANNA.ie](mailto:oifig@gaelSCOILEANNA.ie) má tá aon cheist agat ina leith. Tá na seisiúin oiliúna seo ar oscailt do bhunscoileanna faoi gach pátrún agus á reáchtáil i gcomhpháirt le AN FORAS PÁTRÚNACHTA.



Ceantar	Ionad & seoladh	Dáta	Am
Sligeach	Ionad Oideachais Shligigh, Ballinode	14/11/12	19.00-21.30
Gaillimh	Lough Rea Hotel & Spa, Baile Locha Riach	06/11/12	19.00-21.30
Cathair Chorcaí	Ionad Oideachais Chorcaí, The Rectory, Bóthar An Iarthair	06/11/12	19.00-21.30
Cill Chainnigh	Ionad Oideachais Chill Chainnigh, Seville Lodge, Bóthar Challain	07/11/12	19.00-21.30
Baile Átha Cliath	Green Isle Hotel, Baile Átha Cliath	13/11/12	19.00-21.30



Ag seoladh Comhdháil Oideachais GAELSCOILEANNA TEO. & Eagraíocht na Scoileanna Gaeltachta TEO. ar an 17 Deireadh Fómhair, bhí Treasa Ní Mhainnín, Príomhfheidhmeannach Eagraíocht na Scoileanna Gaeltachta TEO., Mairéad Ní Chualáin, Cathaoirleach Eagraíocht na Scoileanna Gaeltachta TEO., Máirín Ní Chéileachar, Uachtarán GAELSCOILEANNA TEO., Bríd Ní Chonghóile, Ardfheidhmeannach Gaillimh le Gaeilge & Nóra Ní Loingsigh, Ardfheidhmeannach Gníomhach GAELSCOILEANNA TEO.

# Nuacht na hEarnála Oideachais

## Deireadh curtha leis an MLPSI

Seoladh tuarascáil dheiridh Tionscadal na Nuatheangacha sna Bunscoileanna (MLPSI) i Meitheamh 2012 agus cuireadh deireadh leis an dtionscadal a thacaigh le múineadh na nuatheangacha i níos mó ná 550 scoil fud fad na hÉireann. “Caillfidh an córas oideachais níos mó ná 14 bhliain de thaithí agus cuirfear glúin iomlán páistí faoi mhíbhuntáiste mór agus iad ag dul in iomaíocht le haghaidh post leis an gcuid eile den Eoraip” a dúirt an ráiteas a d’eisigh an eagraíocht ag míniú na himpleachtaí a bheidh ag an gcinneadh tubaisteach a rinneadh sa cháinainéis deiridh. Is cinnte gur mór an chailliúint do scoileanna uile na tíre a bheidh ann, scoileanna lán-Ghaeilge ina measc. Tá acmhainní do scoileanna lán-Ghaeilge agus Gaeltachta ar fáil go fóill ar [www.mlpsi.ie](http://www.mlpsi.ie).

Nuatheangacha i mBunscoileanna  
Modern Languages In Primary Schools



## Suíomh Idirlín nua seolta ag an Roinn Oideachais & Scileanna

Ar thug tú cuairt ar [education.ie](http://education.ie) le déanaí? Seoladh an suíomh nua i rith an tsamhraidh agus tá eolas fairsing air ar gach ghné d'obair na Roinne, chomh maith le heolaire agus léarscáil de na scoileanna. B'fhiú seiceáil go

bhfuil an t-eolas maidir le do scoil féin cruinn, agus gach leas a bhaint as na gnéithe nua atá curtha ar fáil ag an Roinn ann, bláiríní nuachta agus go leor ábhair i nGaeilge ina measc.



# Gailearaí



Tá laochra peile Ghaelscoil Bharra, Cabrach an-ghníomhach faoi lathair. Faoi stiúr Séamas 'Mancini' agus Barra 'Mourinho', tá na buachaillí san dara áit sa srath faoi lathair.



Bhuaigh Aoiobheann ó rang 1, Scoil an Chlocháin i dTuaim luach €900 do thoscán don scoil i gcomórtas éalaíne IKEA.

# Gailearaí



## Gaelscoil Eiscir Riada

Tréaslaíonn GAELSCOILEANNA TEO. le Gaelscoil an Chuilinn (thuas) a d'oscail ar an 30ú Lúnasa. Guímís gach rath ar fhoireann, daltaí & tuismitheoirí na scoile.

Seol bhur gcuid  
grianghraif chuig  
[oifig@gaelSCOILEANNA.ie](mailto:oifig@gaelSCOILEANNA.ie)

Príomhoide Ghaelscoil Eiscir Riada, BÁC, Damhnait Uí Ruairc, agus an Cathaoirleach Joe Ó Nualláin, ag seasamh taobh amuigh den bhfoirgneamh scoile nua. Grianghraf (thall) ón bhForas Pátrúnachta.



## Gailearaí



Buaiteoir an Eason All-Ireland Spelling Bee 2012, Liam O'Lionaird, aois 11, ó Ghaelscoil Osraí, Cill Chainnigh. Grianghraf ó Kilkenny People.



Coláiste Ailigh ag cur fáilte roimh Sam ag tús na scoilbhliana nua leis an scoil brea maisithe i ndathanna an chontae mar aitheantas don ócáid.



# Scéalta ón dTuaisceart

## 3 Ghaelscoil eile ó Thuaidh



Dea-scéal ar fad don ghaelscolaíocht ó thuaidh gur bhain trí bhunscoil nua aitheantas na Roinne Oideachais amach. Tá dhá bhunscoil shaorscartha nua ann – Gaelscoil na mBeann i gCill Chaoil, Contae an Dúin agus Gaelscoil Eoghain ar an Chorr Chríochach, Contae Thír Eoghain. Beidh an tríú bhunscoil, Gaelscoil Neachtain i nDún Geimhin Co Dhoire, aitheanta mar “bhunscoil rialaithe”, is é sin le rá go mbeidh an scoil seo faoi bhainistiú Bhord Oideachais agus Leabharlainne an Iarthair. Níl ach gaelscoil amháin eile aitheanta ó thuaidh mar scoil rialaithe, is í sin Bunscoil Mhic Reachtain i mBéal Feirste.

Cuireann Comhairle na Gaelscolaíochta fáilte ar leith roimh an fhorbairt nua i gCill Chaoil i ndiaidh bliain dheacair a bhí acu agus iad ar oscailt mar scoil gan aitheantas. Fuair Gaelscoil na mBeann cuidiú ó lontaobhas na Gaelscolaíochta sa chéad bhliain ach bhí orthu buiséad na scoile a bhailiú iad féin agus an scoil a athlonnú. D'éirigh leo sa dá sprioc seo agus tá Gaelscoil na mBeann anois lonnaithe in áit i bhfad níos áisiúla do thuismitheoirí an cheantair. Ó thaobh bhaineadh amach aitheantas de, chuidigh an t-athlonnú go mór le líon na bpáistí a mhéadú sa scoil agus d'éirigh leo an dáréag a bhí riachtanach a fháil.

Tá Gaelscoil Eoghain, atá lonnaithe ar an Chorr Chríochach, ina bunscoil úrnua ina bhfuil

trí dhaltá dhéag i Rang 1 (bunrang na scoile). Is éacht mór é seo don choiste áitiúil a d'oibrigh go dícheallach le trí h-anuas le cinntiú go mbeadh bunscolaíocht Ghaeilge ar fáil do pháistí áitiúla.

Is céim chun cinn í Gaelscoil Neachtain do thuismitheoirí i nDún Geimhin, Co Dhoire, áit a raibh aonad i mbunscoil Bhéarla. Bhí fonn ar thuismitheoirí an cheantair le tamall fada bunscoil lán-Ghaeilge a bheith acu in áit an aonaid. Mar sin de, is cúis mhór cheiliúrtha í oscailt Gaelscoil Neachtain.

Tréaslaíonn Príomhfheidhmeannach Chomhairle na Gaelscolaíochta an Dr. Micheál Ó Duibh leis na scoileanna seo uile agus go háirithe lena mbunaitheoirí,

“Tá éacht nach beag déanta ag pobal na gaelscolaíochta sna ceantair seo agus tá comhghairdeas ó chroí ag gabháil daofa. Tá áthas ar Chomhairle na Gaelscolaíochta go raibh muid in ann tacaíocht agus comhairle a chur ar fáil do mhuintir na ngaelscoileanna seo. Tá mise mar aon le m'fhoireann ag dúil go mór le bheith ag comhoibriú leo amach anseo.

Is í 2012 an bhliain is mó fáis le roinnt bhlianta anuas ó thaobh bhunú gaelscoileanna nua de. Tá dúil agam agus tá mé dóchasach go mbeidh a thuilleadh nuachta mar seo ann ar an bhliain seo chugainn agus sna blianta atá amach romhainn”. (Grianghraf ón Mid-Ulster Mail)

# Áiseanna & Acmhainní nua ar [www.gaelSCOILEANNA.ie](http://www.gaelSCOILEANNA.ie)



## Baile

Fáilte romhat go suíomh gréasáin GAELSCOILEANNA TEO. Bunáidh GAELSCOILEANNA TEO. i 1973 mar eagraíocht dheonach náisiúnta chun tacaíocht a thabhairt d'fhorbairt na scoileanna lán-Ghaeilge ag an mbunleibhéal agus ag an iar-bhunleibhéal. Tugann an eagraíocht spreagadh, comhairle agus tacaíocht phraiticiúil don phobal, nó don duine sa phobal, a chinneann scoil a bhunú agus feidhmíonn sí ar mhianta an phobail.

## Nuacht

**Suirbhé: An Ghaeilge agus Pobal na Scoile**

Dáta: Deireadh Fómhair 5, 2012

**Leasú Mór ar an Teastas Sóisearach á fhógairt ag an Aire Quinn**

Dáta: Deireadh Fómhair 4, 2012

**Clubanna Cumann na bhFiann 2012-2013**

Dáta: Deireadh Fómhair 2, 2012

[CSTI](#)

[Naisc](#)

[Acmhainní](#)

[Gaelearaí](#)

[Eolas do Mhúinteoirí](#)

[Eolas do Thuismitheoirí](#)

[Teagmháil](#)

What is Irish: Modern Education?  
Cad is gaeilcoisíocht ann?



24:16

Nuacht is Déanaí

Cláraigh don nuacht is déanaí le do sheoladh ríomhphost

Cláraigh

Nuacht via RSS



Rinneadh go leor forbartha ar shuíomh na heagraíochta le linn an tsamhraidh agus b'fhíú go mór cuairt a thabhairt air agus tú féin a chur ar an eolas maidir leis na hacmhainní atá ar fáil ann. Ina measc tá:

- Eolas do thuismitheoirí – freagraí ar cheisteanna coitianta
- Polasaithe samplacha, conarthaí i nGaeilge, lámhleabhar do phríomhoidí
- Bailliúchán taighde ar an ngaeleoidéachas
- Ábhar ó na comhdhálacha bliantúla, ceardlanna, seimineáir agus seisiúin oiliúna
- ...agus go leor leor eile!

ina mbeidh deis ag múinteoirí, cúntóirí riachtanas speisialta agus foireann eile na scoile acmhainní a chomhroinnt. Cuirfear fáilte roimh ábhar don rannóg seo ar ríomhphost chuig [cspainneach@gaelSCOILEANNA.ie](mailto:cspainneach@gaelSCOILEANNA.ie) agus tabharfar creidiúint don údar, ar ndóigh! Tuigimid an dúshlán a bhíonn ann d'fhoireann na scoileanna lán-Ghaeilge teacht ar ábhar atá feiliúnach agus i nGaeilge agus mar sin is fiú go mór bheith ag obair as lámh a cheile agus ag laghdú an ualach oibre dá chéile. Beidh spás sa rannóg seo d'aon rud a shíleann na scoileanna go bhfuil luach leis: bileoga oibre, rannta agus amhráin, cluichí, pacáistí eolais do thuismitheoirí nua, nótaí aistrithe, nó eile.

B'fhíú clárú chomh maith le seirbhís nuachta na heagraíochta le ríomhphost laethúil a fháil maidir le nuacht na hearnála, imeachtaí don scoilphobal, deontais, comórtais agus eile. Is féidir clárú trí do sheoladh ríomhphost a chur sa bhosca seo ar phríomhleathanach an tsuímh.

Tá rannóg phríobháideach do bhaill na heagraíochta (sé sin, na scoileanna atá cláraithe mar bhaill de GAELSCOILEANNA TEO.) á fhorbairt againn i láthair na huairé – áit

Fáiltíonn muid le haiseolas maidir leis an suíomh i gcónaí agus ba mhór linn cloisteáil uait más dóigh leat go bhfuil aon rud ann gur féidir feabhas a chur air.

# Acmhainní



## Óige Átha Cliath

Tá deis iontach ann do 10 ngaelscoil i mBÁC a bheith rannpháirteach i sraith de chlár raidió 'Óige Átha Cliath'. Bheadh ceol, amhránaíocht, drámaíocht agus caint i gceist i ngach clár. Bheadh deis iontach freisin ag na daltaí labhairt faoina scoil féin agus na nithe a bhaineadar amach - éachtanna spóirt, duaiseanna nó gradaim a bhuaigh an scoil & rí. - a phoiblíú.

Má éiríonn leis an gcomhlacht 'Scéal Eile' an togra a chur ar bun, bheadh sé i gceist acu sraith 10 gclár (28 nóiméad an ceann) a chraoladh ar Raidió na Life ag tús 2013.

Bheadh gach clár ag teacht ó scoil difriúil i mBaile Átha Cliath agus bheadh raon difriúil nithe i ngach ceann. Bheadh sé múnlaíthe ar an sraith 'Siamsa Scoile' a léirigh an comhlacht agus a chraoladh ar RTÉ-Raidió na Gaeltachta cúpla bliain ó shin.

Tá súil acu tús a chur leis an taifeadadh Mí Eanáir seo chugainn. Más mian leat go mbeadh do scoil páirteach ann, féadfaidh tú glaach a chur ar Deirdre Donnelly san oifig chun sonraí teagmhála a fháil: 087-4159355.

## Gathanna Gréine Teo.

Is comhlacht nua foilsitheoireachta é Gathanna Gréine teo., atá lonnaithe in Inis Oírr, Oileáin Árann agus a bhfuil Máire Uí Dhufaigh agus Aoife Ní Dhufaigh ina stiúrthóirí air. Bhí Máire ina comhordaitheoir ar Scéim na nDearthóirí a chuir an pacáiste 'Seideán Sí' ar fáil.

Sa scoil-bhliain 2011-2012, d'eagraigh Gathanna Gréine comórtas gearrscéalta do scoláirí mheán scoileanna Oileáin Árann. Ba mhaith leis an gcomhlacht buíochas a ghlacadh leis na múinteoirí as na scoláirí a spreagadh agus comhghárdeas a dhéanamh leis na húdair óga a bhuaigh duaiseanna.

Tá na gearrscéalta a bhain duaiseanna amach foilsithe anois sa leabhar 'Guth na Mara' (Gathanna Gréine teo.) Tuilleadh eolais ó: [gathannag@gmail.com](mailto:gathannag@gmail.com)



## An Ghaeltacht ar Líne

### [speaktalkchat.com/gaeltacht](http://speaktalkchat.com/gaeltacht)

Seolfar leagan Beta *An Ghaeltacht ar Líne* le **SpeakTalkChat.com** an mhí seo chugainn. Tugann an suíomh nua seo deis do dhaoine clárú agus labhairt le daoine eile i nGaeilge a bhfuil na caitheamh aimsire céanna acu. Beidh sé de rogha ag an úsáideoir clárú do go leor caithimh aimsire agus mar thosnaitheoir nó duine atá réasúnta líofa nó líofa i nGaeilge. Ag tabhairt an Ghaeilge chun suntais, is é SpeakTalkChat an chéad suíomh dá leithéid.

Chomh maith leis an nGaeilge beidh sé de rogha agat clárú agus nascadh le daoine i go leor teangacha eile. Tá sé feiliúnach do dhaoine fásta, scoileanna, déagóirí agus páistí agus tá cosaintí i bhfeidhm go speisialta d'úsáideoirí óga.

## DVD saor in aisce



Más mian libh DVD a fháil ar an ngaelscolaíocht d'óicheanta eolais, is féidir iad a sheoladh chugaibh saor in aisce.



## Scéim Dallóga do Scoileanna



Comhlacht dallóga atá sa Printed Blinds Factory a bhfuil sé mar aidhm aige cabhrú le scoileanna teacht ar dhallóga den chéad grád saor in aisce. Tá dearthaí oideachasúla ar nós litearthacht na Gaeilge, Béarla, uimhríocht, frith-bhulaíocht, athchúrsáil agus neart eile ar na dallóga seo.

Chomh maith le dallóga a sholáthar do scoileanna, tá an scéim mar chuid de thaighde mhórsála ar shábháilt fuinnimh ag úsáid éadaigh EcoSunFilterTM agus ar conas a fheabhsaíonn dallóga oideachasúla cúrsaí foghlama don dalta.

Chomh maith le bheith mar dhallóg, tá an spás neamhúsáidte anois mar áis foghlamtha/oideachasúil. Tá dearthaí ar fáil i nGaeilge le cabhair ó Fhoras na Gaeilge. Tá cur i láthair le feiceáil ag an nasc thíos:

[www.youtube.com/watch?v=9ZggAM\\_MyI](http://www.youtube.com/watch?v=9ZggAM_MyI)

Tríd an Scéim Dallóga Do Scoileanna, ba mhian leis an Printed Blinds Factory dallóga a chur ar fáil do scoileanna saor in aisce le hurraíocht ó chomhlachtaí agus eagraíochtaí atá ag iarraidh a gcuid teachtairíochtaí oideachasúla a chur chun cinn ar na dallóga sa seomra ranga. Beidh na dallóga maoinithe ag an urraitheoir. Dearadh an scéim le polasaithe frith-tráchtálachais ag roinnt scoileanna a chosaint agus ní ligtear do na hurraitheoirí fógraí a chur ar na dallóga.

Is féidir le haon bhunscoil in Éirinn páirt a ghlacadh sa scéim tré ghlaoch ar an oifig ar 1800 254637 nó 091 799611.


[www.printedblindsfactory.com](http://www.printedblindsfactory.com)

## Lámhleabhar do Phríomhoidí

Tá lámhleabhar do phríomhoidí bunscoile ar fáil ar shuíomh idirlín Gaelscoileanna Teo. a d'eascair as comhthionscadal idir Gaelscoileanna Teo. agus An Foras Pátrúnachta.

Tugann an lámhleabhar seo treoir agus moltaí don phríomhoide ar rudaí ar fiú dóibh tabhairt fúthu ó thaobh an fhéilire scoile de, agus eolas ginearálta maidir le ceapachán foirne, an bord bainistíochta agus an Roinn Oideachais agus Scoileanna i measc nithe eile. Tá súil againn go mbainfidh sibh tairbhe as!

Ar fáil ar [www.gaelscoileanna.ie](http://www.gaelscoileanna.ie)



# Clár Imeachtaí Gael Linn 2012 / 2013



*Scoláirí Ghaelscoil an Ghoirt Álainn, Corcaigh, ag ceiliúradh a mbua ag Féile Peile Gael Linn sa Rinn i mí an Mheithimh.*

Tá clár cuimsitheach imeachtaí don óige agus do dhaoine fásta beartaithe ag Gael Linn don bhliain amach romhainn. Ina measc beidh:

5 Márta 2013 - Amharclann an Mhargaidh, Ard Mhacha

6 Márta 2013 - Siamsa Tíre, Trá Lí

7 Márta 2013 - An Grianán, Leitir Ceanainn

13 Márta 2013 - An tÁras Ealaíne, An Muileann gCearr

20 Márta 2013 - Amharclann an Hawkswell, Sligeach

## **Bunscoileanna:**

• Coirm: Féilte ealaíne ar fud na tíre dírithe ar ghaelscoileanna agus bunscoileanna Gaeltachta. (Dáta deiridh iontrála: 17 Nollaig 2012)

Beidh na hócáidí aon lae a leanas ar siúl:

6 Feabhra 2013 - Amharclann an Ionaid Óige, Mainistir Fhear Maí

7 Feabhra 2013 - Amharclann Naomh Mícheál, Ros Mhic Thriúin

20 Feabhra 2013 - Amharclann Clasach, Fionnradharc, BÁC

27/28 Feabhra 2013 - Amharclann na Cathrach, Gaillimh

• Féilte Peile Gael Linn: Féilte peile do bhunscoileanna Gaeltachta agus gael scoileanna a eagraítear i gceantair Gaeltachta i ngach Cúige i dtreo deireadh na scoilbhliana.

• Spraoicheist: Ócáid aonuaire le Tráth na gCeist i bhfoirm Quizboird (foirme de 4), agus ceolchoirm le míreanna ó na scoileanna páirteach. Eagraítear na hócáidí go tráthúil i rith na scoilbhliana (m.sh. ag Samhain, i rith Seachtain na Gaeilge).

# Clár Imeachtaí Gael Linn 2012 / 2013

## Iar-bhunscoileanna

• Siansa: Comórtas agus ceardlanna ceoil do ghrúpaí traidisiúnta le ceoltóirí óga idir 12-19. Craobh na hÉireann sa Cheoláras Náisiúnta – 14 Aibreán 2013 – duaischiste €4,500. (Dáta deiridh iontrála: 9 Samhain 2012 – dioscaí le bheith ag Gael Linn roimh 10 Nollaig )

• Comórtas Clár Raidió Gael Linn: Comórtas atá an-oiriúnach do dhaltaí na hIdirbhliana ach go bhfuil cead ag daltaí ar bith sa scoil páirt a ghlacadh ann. (Dáta deiridh iontrála: 14 Nollaig 2012 – cláir le bheith ag Gael Linn roimh 8 Feabhra 2013)

• Cúrsaí Cumarsáide don Idirbhliain – i mBÁC amháin: Is chun bunscoileanna cumarsáide a mhíniú agus a chothú i measc daltaí na hIdirbhliana an cúrsa seo. Tabharfaidh an cúrsa seo blas de na meáin scríofa, raidió agus teilifís.

• Foilseacháin – Céim, Dréimire, Staighre: Foilsíonn Gael Linn sraith de théacsleabhair a mbíonn an-tóir orthu ag ranganna a bhíonn ag gabháil don Ardeistiméireacht agus don Teastas Sóisearach.

• Tráth na gCeist: Sraith d'ócáidí quizbhoird d'iarbhunscoileanna a eagraítear i dTuaisceart Éireann. (Dáta deiridh iontrála: Sóisear: 26 Meán Fómhair 2012/Sinsear: 21 Eanáir 2013)

## Tríú leibhéal:

• Bréagchúirt Uí Dhálaigh/Gael Linn: Tá an Bhréagchúirt dírithe ar mhic léinn tríú leibhéal atá ag déanamh staidéar ar an dlí. Beidh sé ar siúl i mbliana ar an Aoine, 9 Samhain 2012 sna Ceithre Chúirt i mBaile Átha Cliath.

• Díospóireachtaí Tríú Leibhéal: Tá Gael Linn ag tabhairt tacaíochta do chomórtais díospóireachta atá á eagrú ag mic léinn tríú leibhéal i gcoláistí éagsúla, ina measc Coláiste na hOllscoile, Baile Átha Cliath, Coláiste na Tríonóide, Baile Átha Cliath agus Ollscoil na hÉireann, Corcaigh.

Beidh comórtas díospóireachta eadar-choláistí a réachtáil le linn féile an Oireachtais i Leitir Ceanainn ar an Satharn 3 Samhain. Bronnfar Corn Gael Linn/The Irish Times ar na buaiteoirí. Bronnfar duaiseanna airgid ar na buaiteoirí freisin.

## Daoine fásta:

• Bewley's @ 6! – ócáidí siamsaíochtaí míosúla: deis ag pobal na Gaeilge san ardchathair teacht le chéile tar éis lá oibre (nó siopadóireachta!), scaoileadh leis an dtrácht, bualadh le cairde, deoch a ól, greim beag a bheith acu le n-ithe agus sult a bhaint as ceol agus amhránaíocht ó oirfidigh den scoth!

Gach eolas ó [www.gael-linn.ie](http://www.gael-linn.ie)

*Foireann Ghaelscoil Cheatharlach, buaiteoirí Spraoicheist na hÉigse 2012, le Niamh de Búrca (Gael Linn) agus Emma Uí Bhroin (Glór Cheatharlach).*

*D'eagraigh Gael Linn an ócáid, i gcomhar le Glór Cheatharlach, do dhaltai ins na hardranganna i mbunscoileanna an cheantair le linn Éigse Cheatharlach.*





# An Socrúchán Scoile sa Chúrsa Nua B.oid.

Cuireadh tús leis an gcúrsa nua B.oid (4 Bliana) Meán Fómhair 2012. Mar chroílár an chláir nua, beidh gné an tSocrúcháin Scoile agus an mac léinn mar fhoghlaimeoir. Fianaise air sin ná an céatadán den chlár a bheas tugtha don Socrúchán Scoile – 25% den chlár san iomlán, agus é ailínithe leis na heilimintí den chlár a mhúintear.

Sa tsamhail nua den Socrúchán Scoile, cuirfear béim níos treise agus níos doimhne ar phrionsabal na comhpháirtíochta le scoileanna agus ar raon leathan de ghníomhaíochtaí gairmiúla le linn don mhac léinn a bheith sa scoil. Mar sin, le linn na ceithre bliana den chúrsa B.oid, beidh deiseanna ag na mic léinn tabhairt faoin bpleanáil, faoin teagasc, faoin gcomhtheagasc, agus faoin mbreathnóireacht. Beidh deiseanna acu freisin labhairt le hoidí faoina dtugtar faoi deara chomh maith le tabhairt faoin mheastóireacht, faoin machnamh agus faoin bhfoghlaim i raon seomraí ranga agus i raon suíomh foghlama. Tá sé tábhachtach go mbeadh neart deiseanna ag na mic léinn a gcuid scileanna cumarsáide le páistí scoile agus le daoine fásta a fhorbairt. Tá sé tábhachtach freisin go dtuigfeadh na mic léinn céard go díreach atá i gceist le bheith mar bhall de phobal foghlama scoile. Is gníomhaíocht luachmhar í don mhac léinn an deis chun tabhairt faoin gcomhfheithíocht le hoide ar dhualgas sa chlós scoile agus chun breathnú ar pháistí i suímh éagsúla lasmuigh den seomra ranga.

Sa Socrúchán Scoile, cuirfear béim ar raon leathan scileanna teagaisc a fhorbairt lena n-áirítear deiseanna chun teagaisc i ranganna ilghrád agus chun foghlaim faoi na bealaí is fearr chun freastal a dhéanamh ar pháistí le riachtanais speisialta. De bhrí go mbeidh na mic léinn sna scoileanna do thréimhsí níos faide sa chuid dheireanach den chlár, beidh sé tábhachtach mar sin go mbeidh na mic léinn ag obair i gcomhpháirtíocht leis na hoidí ranga ionas go gcuirfear i gcrích pleananna curaclaim an oide ranga. Ag teacht chuig deireadh an chúrsa, ba chóir go mbeadh an mac léinn in ann tabhairt faoin gcuntas míosúil i gcomhpháirtíocht leis an oide ranga agus ina acmhainn luachmhar don scoil.

Tá neart fianaise agus taighde againn a léiríonn go bhfoghlaimíonn mic léinn an choláiste an-chuid ó shaineolas agus ó thaithí phroifisiúnta na bpríomhoidí, na hoidí ranga agus an phobail scoile trí chéile. Tuigimid go maith freisin ón taighde atá déanta againn nach mbeidh oidí ranga ag iarraidh a bheith rannpháirteach sa phróiseas a bhaineann le gráid a bhronnadh. Táimid ag súil le tacú le scoileanna sa bhfreastal a dhéantar ar na mic léinn le linn na dtréimhsí scoilbhunaithe.

Cuirimid fáilte i gcónaí roimh aon aischothú nó aon mholtaí ó scoileanna maidir leis an Socrúchán Scoile (Ríomhphost: [schoolplacement@spd.dcu.ie](mailto:schoolplacement@spd.dcu.ie)) agus beidh gach gné den Socrúchán Scoile faoi réir ag athbhreithniú lena n-áirítear aischothú ó scoileanna. Roinnfidh na mic léinn agus teagascóirí an Choláiste modheolaíochtaí nua, saineolas agus ardtiomantas don teagasc agus don fhoghlaim go fial le linn an tSocrúcháin Scoile. Leanfar leis an mbunphrionsabal atá againn le fada, sé sin, chun tús áite a thabhairt do dhul chun cinn agus do shábháilteacht páistí scoile. Táimid ag súil go mór le cur i gcrích na físe úire don Socrúchán Scoile i gcomhpháirtíocht le scoileanna.

An Dr Bernadette Ní Áingléis  
Stiúrthóir an Chleachtadh Múinteoireachta  
Coláiste Phádraig (Coláiste de chuid Ollscoil Chathair Bhaile Átha Cliath), Droim Conrach.

Féach an tábla thall le haghaidh tuilleadh eolas.



# An Socrúchán Scoile sa Chúrsa Nua B.oid.

- Bliain 1 Eanáir – Meitheamh: 3 seachtain (Sraith 10 Aoine + bloc seachtaine)**  
Roghnaíonn an mac léinn an scoil  
Naíonáin – Rang 2 mar raon, nó suíomh ilghrád sa raon seo  
Tascanna breathnóireachta agus an mac léinn ag obair taobh leis an múinteoir mar chúntóir
- Bliain 2 Eanáir – Feabhra: 4 seachtain sa scoil.** Roghnaíonn an coláiste an scoil  
Rang 3 – Rang 6 mar raon, nó suíomh ilghrád sa raon seo  
Tascanna breathnóireachta, ullmhúchán agus teagasc le déanamh ag an mac léinn
- Bliain 3 Meán Fómhair – Nollaig**  
*(An mac léinn mar chúntóir ag an múinteoir i mí Mheán Fómhair ach go háirithe)*  
**10 seachtain:** 4 seachtain - Múinteoir (A), 4 seachtain – Múinteoir (B), 2 seachtain – suíomh oideachais speisialta. Ba chóir, go hidéalach, go mbeadh na socrúcháin seo laistigh den scoil chéanna ach seans nach mbeadh a leithéid indéanta.  
Roghnaíonn an mac léinn an scoil  
Múinteoir (A) Naíonáin. Múinteoir (B) Rang 3 – Rang 6, nó suíomh ilghrád sa raon seo.
- Bliain 4 Eanáir – Aibreán**  
**10 seachtain.** Roghnaíonn an coláiste an scoil  
Aon rang, nó aon suíomh ranga ilghrád, sa bhunscoil  
*Tugann an mac léinn faoin raon iomlán gníomhaíochtaí gairmiúla a mbítear ag súil leo ó mhac léinn na bliana deireanaí. Bíonn an mac léinn gafa freisin le tionscadal taighde scoilbhunaithe bainteach le hoideolaíocht ranga. Ba chóir do mhac léinn sa bhliain dheireanach a bheith mar mhór-acmhainn i suíomh ranga agus foghlama*





OÉ Gaillimh  
NUI Galway

Acadamh na hOllscolaíochta Gaeilge

# Seo é do sheans

Tá réimse leathan cúrsaí fochéime agus iarchéime á dtairiscint ag Acadamh na hOllscolaíochta Gaeilge.



**Chun breis eolais a fháil, déan teagmháil le:**

Acadamh na hOllscolaíochta Gaeilge, OÉ Gaillimh, Co. na Gaillimhe.

Teileafón: 091 595101 / Facs: 091 595041

Ríomhphost: [caroline.nifhlatharta@oegaillimh.ie](mailto:caroline.nifhlatharta@oegaillimh.ie)    Idirlión: [www.acadamh.ie](http://www.acadamh.ie)